

[Augsburg], 15. Juni 1570

An Theodor Zwinger

UB Basel, Fr. Gr. II 27, Nr. 267.

S. Etsi nuper admodum scripsi: tamen quia tabellarius hic ad nos redditurus est, paucis pro humanitate tua signifies velim, quid Oporiniani responderint? Agunt illi mecum aliter quam expectaram. Qui non contenti totum triennium cessasse, praefatione Caesarea siue obliuione siue de industria praetermissa, aulicos Caesareos eruditos à me alienarunt, apud alios leuitatis crimen mihi impegerunt, vt singulis annis patronos mutanti. Imprimis verò molestum est, quod scholasticae fortunae querelas statim in fronte tanti operis nasuto et fastidienti lectori obiecerunt, quae suo loco positae minus reprehensionis habuissent, aqüe pauciorib[us] fuissent lectae. Sed haec quia mutari non possunt, τλήσομαι ἀκράσια φέρων τετλητόι θυμῷ. Vt autem pactis et conuentis stent, et pro ipso autore, quemadmodum tibi quoque receperunt, quod aequum est, si non prius, saltem ad proximas nondinas soluant, si ab eis impetraris, erit id quoque in magno numero tuorum in me officiorum. Vale et paucis per hunc tabellarium, ad nos redeuntem, rescribe, si vacat. 15. Iunij 1570.

Hiero[nymus] Wolfius
Tuus.